

**CENTRE RURAL DE DEVELOPPEMENT DURABLE  
(CRDD)  
DE BAS BOËN**  
**LABORATWA SOL AK DYAGNOSTIK MALADI SOU PLANT**

**Pwosedi pou kolekte epi pote echantyon plant nan laboratwa a**

Wòl klinik fitopatoloji CRDD Bas Boen lan, se identifye ajan patojèn tankou chanpiyon bakteri, virus kap atake plant yo. Pou sa rive fèt, nou itilize ajan patojèn ki nan tisi plant ki genyen sentom yo.

Men règleman yo:

- 1) Tout echantyon plant yo dwe soti an Ayiti
- 2) Yo dwe voye bon kalite epi bon valè echantyon avèk fomilè pou remet echantyon an. Chèche pran bon echantyon, sa ap pèmèt ou pèdi mwens tan epi depanse mwens kob. Klinik lan pap analize echantyon ki pa reponn ak egzijans sa yo.
- 3) Nou analize echantyon ki rive avan yo
- 4) Nap resevwa rezulta yo ansanm ak rekondasyon yo sou email moun ki nan fomilè a. Si pa genyen non pèsonn nap voye rezulta yo bay moun ki peye pou echantyon yo. Yo pap voye rekondasyon si fomilè a pa gen tout enfomasyon sou sitiyasyon plant lan. Rezulta yo ap prè ant 3 jou a 2 semèn lè nou fin resevwa echantyon yo.

**Gid general sou kijan pou pote echantyon**

- 1) Voye anpil echantyon ki montre kijan sentom yo devlope sou plant la
- 2) Pa mete dlo oswa vlope echantyon ki mouye
- 3) Mete echantyon yo lan frigidè lè nou fin pran yo pou jis lè nap voye yo ale. Pote yo vini lan temos oswa iglou.
- 4) Le nou fin pran yon echantyon pa mete yo nan solèy oswa dèyè machin pou yo pa pouri
- 5) Mete chak echantyon nan yon sachè pou kol. Imidite ki lan echantyon rasin yo ka lakoz echantyon fey yo pouri.

6) Lè wap pote echantyon rasin, toujou kite tè pou rasin nan kapab jwenn menm kantite imidite tankou kote li soti a.

7) Ekri « ATANSYON » sou sachè echantyon ki gen pikan

8) Tout echantyon dwe toujou akonpaye ak fomilè pou remèt echantyon an. Bay tout enfomasyon ki nan fomilè a epi pa mete li menm kote avek echantyon yo.

9) Ranpli yon fomilè pou chak echantyon. Bay tout enfomasyon ou kapab anplis de sa ki nan fomilè a.

10) Sonje mete non tout pestisid ou itilize pandan 3 denye semèn yo.

11) Ou kapap mete echantyon kap pran mwens ke 2 jou pou rive nan klinik lan nan sachè plastik byen femen.

12) Mete echantyon kap pran plis ke 2 jou pou rive lan klinik lan nan yon bwat anvelope yo nan yon papye sèch. Pa mete yo nan sachè plastik sa lakoz yo pouri avan yo rive. Pa mouye yo.

13) Voye echantyon yo bonè nan semèn pou yo pa pran twòp tan. Li enpotan pou echantyon an rive pi plis 2 jou aprè yo finn pran yo